

大洞玉經

日一

乘簡當心臨目叩齒存室內紫雲之炁徧
滿來冠冕身金童玉女侍經左右三光寶
芝洞煥室內叩齒微祝曰

天朗氣清 三光洞明 金房玉室 五芝寶生

玄炁紫蓋 來暎我身 仙童玉女 爲我致靈
九帝齊景 三元同輯 上乘紫蓋 升入帝庭

開經玄蘊呪

微微玄景門 煥朗徹空同 至道由靜默

當見三素宮 大道於此成 騁景策雲龍

左右侍經真 玉女及玉童 身濟不死津

解羅順靈風 七祖反胎生 世爲神仙宗

叩齒冥目俯心祝曰糞土小兒男臣某命

有微言上啓

玉清瓊元君高聖萬真太上道君中央黃老

元素道君上清總仙大司馬長生法師主三

天君栢成上真降授大洞真經經師上真聖

母紫微元君王夫人降授迴風大混合師上


真聖母中侯元君王夫人上清九微太真玉

保王金闕上相大司命高晨師東海王青華


小童君上清太元東霞搏桑丹林大帝上道
君祖師南極紫真上清道主玉晨聖后金闕
上保東華道君金闕大夫上清仙侯臣今人
室誦詠上清大洞真經三十九章願晨暉煥
發暎照臣身臟府榮華災禍消散七祖返胎
同駕雲輿

閉目存帝一尊君如嬰兒長四寸居鼻下
人中皮內主集百神坐五色雲中存帝一
尊君空玄中其口正對此口聽誦玉經

大洞震靈符文




符文用黃素爲地以朱書內黑書郭行則
佩坐卧拜就以爲禱制伏萬魔全神定志
大洞照辟符文




日一

二



符用貴重之物兩面刻文囊用錦外用黃
羅爲之遇行事佩之六天魔王三天禁君
不敢阻違也

誦經內訣身坐震靈符帶照辟符靜
思身在三台北斗中畢叩齒三十九
道然後誦隱書入本經



大洞神慧隱書


玄景散天湄	清漢薄雲迴	妙炁煥三晨
丹霞映紫微	諸天書靈彩	沆霄何霏霏
神燈朗長庚	離羅吐明暉	四嶺帶高雲
玄精蔭八垂	三素啓高虛	蘭闕披重扉
金墉映玉清	靈秀表天畿	風生八會宮
猛獸騁雲馳	紛紛三洞府	真人互參差
上有千景精	冥德高藐藐	太一務猷收
執命握神麾	正一履昌靈	攝召萬神歸
公子翼寂轡	洞陽衛玄機	明初合道康
龍輿正徘徊	七景協神王	颺輪萬杪階
體矯玄津上	飛步絕嶺梯	披景入神丘
璀璨振羽衣	冥摠交雲會	飛景承神通
青峯無毫會	綺合生絕空	金華帶靈軒
翼翼高仙翁	萬壑乘虛散	翁謁玄上窻
中生合景君	九帝昌上皇	明輪映黃寧
羽珠耀玄陽	天精元素炁	中五號養光
結朗始生神	九真合成雙	妙景啓冥數
順感標神蹤	泥九洞元光	運珠正絳宮
元陽部命門	三神携紫童	拘制招上歸

夾闕侍明窓	翳蔚對啓明	圓華煥三冲
方盈引接生	反老回嬰蒙	颺紫麗九天
綠轅逸丹房	蕭蕭縹緲表	曲降寢華堂
游冥貯萬變	歸會神霄王	仙道樂子生
鬼道樂子凶	但聞貴生道	不聞鬼道陰
瑤歌參天炁	貴生元正章	神慧命朱兵
五帝符寒鄉	仗攝攝萬魔	瓊文檢壯鄴
體解自然道	妖滅非爾功	汎景鼓長扇
含靈慶霄峯	俯吟四謝飛	天劫永難終
妙中生真景	迴覽若遙遙	意合存冥感
勢提高上奇	翔翅期妙會	洞觀誰與齊
嘯叱吐嗟頃	倏忽歷九圍	攝炁反交初
併景幽玄棲		

三素者三素老君也務猷收太一名履昌
 靈玉帝君字也公子元英公子也洞陽君
 右白元神名也理明中央司令丈人名
 也孩道康命桃康名也合景君膽中八真
 名也九帝昌上皇泥丸九真名也明輪肝
 中四真名也黃寧精血三真名也羽珠胃
 管二真名也玄陽左腎七真名也天精心

中一真名也元素元英公子名也養光子
 神名也洞元君泥丸君名也運珠心中
 丹元君名也元陽昌命門下元元王君名
 也紫童太微小童名也拘制九元真男名
 也上歸皇一真女名也醫蔚紫素左元君
 名也啓明白素右元君名也圓華月神名
 也方盈月中桃君名也接生日中司命名
 也神慧心神名五帝腎神名也

大洞太微玉符




服符微祝曰

太微小童君名干景精字會元子一名三衿
 交一名對帝真常鎮舌根之下血液之府
 太微乃地初地行行之身小童即童子對
 帝真即同參知識之義
 玉清真王呪曰

歸子太一精亮之名又泥丸之靈根也天
晨者雌一君之名金霄者雄一君之名遊
乃道遠也朗朗者日月之華帝景者雌一
所居之景也歟生者風之名玉洲者雄一
所居之景也始童神黃庭元王名也起常
扶泥丸帝卿之名也明真者九天臺名也
千景併三杵謂大微小童君一名千景精
一名三杵交幽塞元者帝皇太一君之字
也德仰者九天臺名也神丘者帝一之靈
穴也公子无英公子也

大洞皇上玉符



服符微祝曰

皇上玉帝君名達凌梵字值昌靈一名七靈
一名神文人常鎮我兩眉之間紫戶之外
眉間却入一寸為明堂左方一寸為青房
右方一寸為紫戶

皇上玉帝君道經第三

帝有玄上攝 制命九天階 七覺乘妙道
歟熙神風回 騰耀北停華 紫英唱東隈
琳和九霄外 玉符微太微 三素生泥丸
發曜金靈暉 老君牢振上 守衛死節機
十善生玄中 度死而熙熙 珠璣重
玄上攝一名及華攝玉帝招真致靈之號
今也北停華者北方有留春仙死號曰停
華也東隈者東極青華之天也九霄者神
霄瓊霄紫霄青霄碧霄絳霄景霄太霄玉
霄也三素者三素老君也金靈暉金丹之
神光也牢振上三素老君名也死節機死
戶也七覺火之數也

大洞无英玉符



服符微祝曰

左无英公子名玄无叔字合符子一名元素


君一名神公子常鎮我左腋之下肝之後戶
在背去脊骨左三寸與前左乳相對左臂
甲骨之下

上皇先生紫宸君道經第四

太冥絕九玄 洞景寄神通 玉帝乘朱霄
綠霞煥金壙 上館靈珠內 仰接无仞峯
靈關太漠下 霧沫鏡中空 冥光混離子
玄上叔火王 瓊寂高同生 无極保谷童
圓塗无凝滯 綺合有九重 南拔七祖根
西解累葉凶 體矯萬津波 神生攝十方
火歸反胎轉 三合乘天龍 弗育逆 散北生
寄者不着相也朱霄者朱陵之天也金壙
者九天館名雲珠者九天庭名謂金壙館
在雲珠庭內也太漠指地戶也霧即露電
涿即泡影謂俯吟世塵如露沫也冥光者
左腎七真之字混離子血中赤炁君名也
玄上叔謂无英公子名也瓊寂者心君內
名高同生上玄无父君名也無極者胞中
黃炁君之字保谷童子結中元君精魂之
名也綺合者九天臺名也南指南昌上宮

也根乃胎根胞樹西指西王母之都也葉乃玄葉孫枝萬津液在綺合臺下久歸者流金火鈴之神使火假上果也返心乾者回度胎仙之車於路絕道斷之際也

大洞白元玉符



服符微呪曰

右白元尊神名洞陽宮蔚靈標字玄夷絕一名朱精一名落威常鎮我右腋之下肺之後

戶

在背去脊骨右三寸與前乳相對右臂甲骨之下

太微天帝君道經第五

太微天帝君 八浮入雲管 神宗理靈襟
龍山秀玉京 金房鬱明霞 九戶朗高瓊
黃庭涉北元 元父左回明 朱精啓明師
幽寥登上清 四玄乘元禁 長保五帝城

起神天
橫冥始

八浮者風之名也神宗者中央司命君名也龍山者玉清天中臺名也明霞者九天宮名高瓊者九天室名謂九竅之戶通明於高瓊之室也北元者黃庭之幽闕也左回明上玄元父君字也朱精者白元尊神名也啓明者白素右元君名也幽寥者太一君字也四玄者四象也四聖也四體之神也五帝城指五臟也

大洞司命玉符



服符微呪曰


中央司命文人君名理明初字玄度卿一名神宗一名靈華常鎮我絳宮心房之中四孔之戶

心有七竅神名五曰法理曰朱霄曰丹皇
運珠曰神慧曰洞源洞明

三元紫精君道經第六
紫精太元中 三元上景衡 秀朗寶太混
眇眇扇帝敷 伯史啓三素 帝靈登玉虛
慶烝育五雲 司命神明初 十華妙行仙
制魔羽明車 壽苞處
時款已

上景者日宮也秀朗者九天臺名也帝敷者帝座也伯史原黃庭元王名也三素者三素老君也帝靈者帝一之名也神明初中央司命君名也十華者十極之天也羽明車名也

大洞桃康玉符



服符微呪曰


命門桃康君名按道康字合精延一名命門一名胞根常鎮我臍中之關命門之外
在臍下三寸其形方圓一寸男藏精女藏胎下丹田也

其陽元老玄一君道經第七

真陽帝賓老 受事會玉皇 滅魔除穢水
 百司詣絳宮 逸宅丹玄內 五炁結十方
 七轉司命至 三迴召仙翁 太山主鬼者
 急投三官中 十德初成基 同飛七覺充

真陽者上清天中館名也帝賓左仙仲成
 子名也穢水者尸穢之水也絳宮謂心也
 逸宅者真炁之明堂也丹玄即泥丸之宮
 七轉者念頭也一念纒動七竅俱通謂舉
 念而司命至也主鬼者穢神也

大洞天戶玉符



服符微祝曰

泥丸上一天帝君名赤子玄凝天字三元光
 一名伯无上一名伯史原常鎮泥丸之中九
 孔之戶
 即上丹田內有九宮四雌五雄各方一寸

其形內圓虛中紅而瑩乃神之所居其後
 戶有兩脉貫於脊骨之端

上元太素三元君道經第八

太素三華炁 晨燈廣靈堂 玉賓表玄籍
 守命孩道康 回風散萬魔 金符召廣鄉

輔衛地戶內 保此長生王 轉入十仙門

八景齊洞陽

明柱子
會合存

三華者三華聚頂也神燈者靈光也玉賓


者三元君所居館名也孩道康命門桃康

君名也召廣鄉召登廣漢之鄉也地戶者

陰魔之門輔衛即封形閉債背土凌空之

事洞陽者白元尊神名也

大洞丹皇玉符



服符微祝曰

絳宮中一丹元君名皇神運珠字子南丹一
 名生上伯一名史雲拘常鎮我頂中央大稚

骨首戶之下

人脊骨有二十四椎上第一椎是也

上清紫精三素君道經第九

紫精毓華林 長明太无外 玉房生寶雲

九扇胞胎內 帝賓奉五符 三元迴紫蓋

倉玉瑛來生 衛此長夜會 五靈度符籍

九統合九元 三玄出太清 紫陽發萬玄

玄精育九靈 元父結胎仙

乘仙翰
乘明賢

紫精者天中之樹葉似竹而赤花似鏡而

明實似李而無核食其葉則辟飢花則不

死實則飛仙名毓華之林九扇者九重之

門乃帝一胎尊所居之處帝賓者左仙仲

成子之名也三元者上元泥丸中元絳宮

下元命門也紫蓋者黃庭門名倉玉瑛來


生者節中黑炁君名瑛來生字倉玉也長

夜者節中黑炁所會之名也五靈者五老

君也三玄者道之三真也紫陽者官名玄

精者肅中八真名九靈者天之九真也

大洞黃庭玉符



服符微祝曰

命門下一黃庭元王名始明精字元陽昌一

名始重神一名藏明初一名嬰兒胎一名史

伯原常鎮我兩完間車軸之下戶

脊骨下第二十四椎是也與尾間并兩腿

背骨相連綴耳運動載身若車之有軸也

腰膂當中是也

青靈安陽元君道經第十

青靈扇八炁 鼓輪三華城 披此胞胎結


七祖受福生 宿對滅五道 長守帝一營

望昌福 順萬烟

披者脫體之義五道即五苦滅之者生神

章云五難緣理去是也

大洞九真玉符



服符微祝曰

泥丸九真名帝其上皇字帝先靈一名元宗

當鎮我口之四際

想白頂上是也口神一名清淨和

皇清洞真大道君道經第十一

公子執五符

太一居紫房

三合地戶下

拔命玉帝宮

少女郁墨子

衛此七炁憲

拘制感血液

盈滿五藏充

十真登黃房

帝子化金仙

白玉飛符招

引外龍臺天

四素充 白求靜

公子者无英公子也五符者五文真符也

三合者皇清元君女之高仙洞真真人男

之高仙即雌一雄一之異名二真與太一

合化於廣漠之境故曰三合地戶即坤宮


也郁墨子皇一鬼女之內名也炁者七情

也一曰七竅未詳孰是拘制者九元真男

名也十真者妙行十金位登太上黃房也

龍臺天宮名也

大洞八真玉符



服符微祝曰

膽中八真名合景君字北臺一名玄精常鎮

我背中骨節之府

一名威明上一椎丹皇君守之下第一椎

黃庭王守之上七節玄陽七真守之中七

節玄陰七真守之下七節膽中八神守之

高上太素君道經第十二

高上雲紫霄

五老輔玉根

太素拂眇景

合符帝一前

白帝統蔚將

迴金太霞鄉

度我死尸下

拔出三塗梁

十通由斯生

妙行由此圓

洞明光景中

帝一真玄玄

和歸落 結舒水


玉根者天中之山名或以為人之鼻也眇

景者日名白帝浩蔚將者白帝運浩景之

炁於蔚將之宮也十通者謂十真事畢妙

澄十通自一至十皆天地之數此道通天
地之外陰陽莫能拘臬福莫能報超出天
地定數故曰十通

大洞左七真玉符



服符微祝曰

左腎間七真名玄陽君字冥光一名元生一
名玄冥一名五帝常鎮我背骨盡際地戶之
下

皇上四老道中君道經第十三

皇上超無景 輪轉九曜生 徊風混帝心
八炁運常寧 廣霞參神天 五帝散日精
液溢玄中漠 血凝五華平 體寶圓珠映
流曜瑩兆形 號為壽逸阜 亦曰澄澹淳
俱濟三慈關 啓籍登太冥 令我保仙真
七世披綠青 解禍冥途中 超福晨上靈

度世登玉卿 累祖返胎嬰 洞觀無礙空
始通生圓明 驪珠貫方瞳 內外洞照清
三樂深
五達門

九曜者日名又云眼為日輪也廣霞者玉
清山名五華者五臟也壽逸阜九天山名
號延壽之國三惡關鬼關也綠青者服青
華之炁登玉卿位登玉府上卿也圓明者
日月也三樂深五達門者九天祝言皇上
君內名也或釋之曰法輪迴道上生

大洞右七真玉符



服符微祝曰

右腎間七真名玄陰君字太真一名上生常
鎮我背下骨玉關之戶

玉晨太上大道君道經第十四

玉晨九天司 太上大道君 常保景化內
九回鏡上清 解帶玉映室 乘素入四明
勢提日中王 併羽玉晨靈 太一召天魔

帝君致萬精 拔過死積炁 越度仙皇庭
帝立三關上 八風舞神兵 左挹福醴液
右提慶元餅 洞微無障玄 梵通明靈生
貫額聞十方 豁落一切聲法今

景化者三景道化也九回者金丹九轉也
鏡上清者以大微小童駕羽明之車上朝
元始如求鏡裏之形也四明者玉帝南門
之名也左挹右提者謂左耳斟右腎之水
右耳酌左腎之水梵通明靈者妙通大梵
聰明達靈也貫額聞十方者靈者貫額流
響雲管也

大洞六真玉符



服符微祝曰

肺中六真名上元素玉君字梁南中童常鎮
我頸外十二間梁之中
十二間梁肺簡兩邊也蓋頸兩條各有六
條大筋存法一神守二梁也


太清大道君道經第十五

太清淨絕空 三天寶神符 日中開五曜
青帝圓常无 捧籍登大明 受籙金華種
五臟植玉根 魂鬼一凝和 洞空清淨玄
忝通生清明 定和妙明覺 玄息自長生

明考錄
按劫呵

淨絕空太清山名應鼻為中嶽大明者日
官名也金華樓太清樓名玉根鼻神名也
玄息者象龜引炁以耳不以鼻是為玄息

大洞五真玉符



服符祝曰

脾中五真名養光君字太倉子一名羽童字

常鎮我喉內極根之戶

上有橫文中黃之正印極根乃重樓十二
環之左右各有一戶正與忝額之左右容
相連忝額各三思臺

太極大道君道經第十六

太極元景王

三天攝神仙 紫素翳鬱仞
安來上華京 拔出五苦界 返胎七元庭
九玄解重結 累祖落寬名 徘徊秀華下
俯仰邀五靈 此身升玉堂 五神迴孩嬰
俱濟太漠外 養素朝圓明 洞虛清淨和

華通引玄冥 紙練五芽味 含喜吐長生

回圓明
神初畢

翳鬱仞者紫素左元君名華京乃元君所
都之處秀華者天中之山名也圓明者日
之名也清淨和者口為太和之官玄冥者


腎神名舌下為華池內有二竅下通腎水

謂華古妙通玉華也徊圓明神羅初者九

天祝言元景君內名也或釋之曰暉履安

固止身 見茅山大洞經天
上內音地上外音

大洞四真玉符



祝曰

肝中四真名青明君字明輪童子常鎮我胃

管之戶膏膜之下

五臟唯心肺居膈上今存神在胃口之外
胃管之戶乃咽食物處膏膜即膏育之膜

皇初紫元靈元君道經第十七

皇初紫元中 暉光鬱霄清 三天煥九景

離合億萬生 披朱巾綠霞 上徊寒童靈

拔出五苦毒 超身過始青 白素起蕭仞

金門衛朱兵 七祖積尸結 一化百散傾

受福東霞室 返胎朱火庭 洞神清淨妙

力通自冲明 淨真手握斗 足躡九元星

揮執天地關 精神生命根 光發蓬合


九景者九日並出也寒童靈九天山名啓

明蕭仞白素右元君名也九元星者九靈

之星也天地關手為天關足為地關發還

合光運長者九天祝言

大洞三真玉符



祝曰

精血三真名元生君字黃寧子玄常鎮我鼻
兩孔之下源

鼻準頭內名玄連之戶俗云鼻尖

无英中真上老道經第十八

无英真上玄 玄元素悉鬱 寄頻携連珠

混化啓明日 正一左右仙 長挾林虛闕

兆有五符籍 合仙得真契 寬生太無中

冕亦五道會 世世解死結 七祖无住滯

神風吹胞樹 根葉已斷絕 胎中衆鬼殃

五符開地結 長爲神真王 應仙續萬世

洞真清淨身 道通自然質 真應化現相

不動住黃室 應化無方在 骨肉金玉實

靜真明正道 至老長不易 彌勒車 大生彰

素蒸鬱謂青黃白三色也等類者太一名

也混化者泥丸君內名也啓明者白素元

君名也左仙名仲成子右仙名由文子林


虛者中央玄一老子名謂長挾精悉於林

虛之玄關五道者天中之官名也五符開

地結者除去陰魔必仗五符而散地結也

黃室者黃庭也

大洞二真玉符



祝曰

胃管二真名堅玉君字凝羽珠常鎮我太倉
之府五腸之口

胃爲太倉是傳逸達於五腸之口口乃胃
之下竅心肺相接處謂之五攢頭即胃口
納食處

中央黃老君道經第十九

中央黃老君 圓華玉壽靈 太張上玉門

仗雲三仞明 赤景醫逸寧 携提太一真

帝女抱定陵 吟詠玉清文 五符編紫房

玉籍探圓庭 七祖返胎仙 滅絕三途生

流風斷血滯 玄葉得首寧 洞玄清淨元

元命靈通成 性命宗本堅 孝道成明王


生根得太和 無爲登上清 滿景生 比字通

黃素中元君名圓華黃何字太張上天中

山名玉壽靈太一真者太一胎尊也抱定

陵皇一之真女內名也玄葉即玄孫也精
血三真名黃寧子玄孝道成明王者謂孝
感於天於日中爲孝道明王於月中爲孝
道仙玉斗中爲孝梯玉也生根者性命之
宗本也

大洞一真玉符



祝曰

心中一真名天精液君字飛生上英常鎮我
胃中四極之口

胃前兩乳之上正中央自心坎鳩尾骨度
上四寸乃神所居

青精上真內景君道經第二十

青精上華蒸 太微玄景童 神化玉室內

飛羽逸紫空 曰爲三杓交 乘符登帝墟

開關把金節 閉戶叩瓊鐘 滅魔三野

招靈上清宮 明出窈陰關 入精六合房

回老變皓形 還白養嬰蒙 洞元清淨光
津海具神通 咽液生萬神 神水華池融
湧身灌而潤 往來無有窮 通生道之源
天根常茂豐 種炁會 出蘭蒙

青精之天上華之室中有返香之烟其炁
迎風三千里猶微聞也玄景童比小童君
之號三稜交太微童君名也帝傭者玉帝
金傭之館也開闢者應人之鼻謂調鼻息
以節約肺金之炁瓊鐘者叩齒集神如叩
大寶鐘也六合者明堂也

大洞九元玉符



祝曰

九元真男名拘制字三陽常鎮我左耳之下
伏晨之戶

在左耳垂下二指面許向後 分是也

大洞玉經卷上

大洞玉經卷下

大洞九炁玉賢元君道經第二十一

太陽化三晨 紫輶被玄下 元君保谷童
守胃塞地戶 金符煥吐華 玉契披七祖
帝真灌上生 斷我三塗苦 洞明清靜光

帝心太玄通 宿命過去智 根本元由中
未來及他心 一切無礙融 洞源與洞明
萬道由通生 會命初 幽中和

玉晨官名微玄日神名保谷童子元君精
寃名也北華亭名洞源洞明者言此心乃
大洞之靈源大洞之神明也

大洞皇一玉符



祝曰

皇一寃女名上歸字帝子一名郁墨子一名
抱定陵常鎮我右耳之下伏晨之戶

在右耳垂下二指面許向後一分

九素金華景元君道經第二十二

太初九素炁 炁出華景中 法壇舞仙旗
逸巡五老翁 夫人名啓珠 執籙歸紫房
父寧在迴明 混合太微童 洞清冥冥惠
大量玄玄同 根塵悉消滅 有無皆虛空
妙行真一全 名大心神通 道備登玉清

位為聖仙公 冥沖次 信明都
華景者官名啓珠流洞池水神名也父寧
在帝一名也左迴明上玄元父君字也根
塵消滅謂具道眼聖耳玄鼻華舌真身帝
心也

大洞紫素玉符



祝曰

紫素左元君名翳鬱无何字安來上常鎮我
頭面之境

上部八景齒神髮神皮膚神目神頂髓神
耳神鼻神舌神

耳神鼻神舌神